

Ministarstvo unutrašnjih poslova Kantona Sarajevo, Uprava policije, ulica La Benevolencija broj 16, koju zastupa policijski komesar, Generalni inspektor policije Fatmir Hajdarević, (u daljem tekstu Ugovorni organ)

i

BOSFOR STIL d.o.o. Živinice, Magistralni put bb, ID broj: 4210188300005, kojeg zastupa direktor Cenan Yavuz (u daljem tekstu: Dobavljač)

zaključili su:

UGOVOR O NABAVCI TRAKASTIH ZAVJESA SA UGRADNJOM

Član 1.

Predmet ovog ugovora je nabavka trakastih zavjesa sa ugradnjom, za potrebe Uprave policije Ministarstva unutrašnjih poslova Kantona Sarajevo.

Nabavka je izvršena putem direktnog sporazuma, na osnovu Odluke broj 02-11-4-4222/24 od 07.03.2024 godine.

Ponuda broj 17-3/24 od 14.03.2024. godine, sastavni je dio ovog ugovora.

Član 2.

Ukupna vrijednost predmetne nabavke iznosi do 3.589,80 (trihiljadepetstotinaosamdesetdevet i 80/100) KM bez PDV-a.

Dobavljač se obavezuje da se cijena iz ponude neće mijenjati do isteka važenja ovog ugovora.

Član 3.

Dobavljač se obavezuje da će robu iz člana 1. ovog ugovora isporučivati sukcesivno, najkasnije u roku od 15 (petnaest) dana od dana prijema narudžbe. Isporuke i ugradnje će se izvršavati u skladu sa potrebama ugovornog organa i ugovorni organ zadržava pravo da ne realizuje ugovor u punom iznosu.

Sve troškove isporuke i ugradnje robe iz člana 1. ovog ugovora kao i troškove reklamacije snosi Dobavljač.

Član 4.

Prilikom isporuke robe koja je predmet ovog ugovora, Dobavljač je dužan dostaviti otpremnicu za isporučenu robu (po vrsti i količini) u dva primjerka, koja je uredno ovjerena i potpisana od strane ovlaštene osobe Dobavljača. Po prijemu robe otpremnicu potpisuje i ovlaštena osoba Ugovornog organa, zadužena za prijem robe u magacinu.

O isporučenoj robi biti će sačinjen zapisnik o kvantitativnom i kvalitativnom prijemu (čiji će sastavni dio biti otpremnica). U zapisnik se unosi količina isporučene robe i da li je roba u skladu sa ponudom dobavljača, te evidentiraju mogući nedostaci na istoj.

Član 5.

Ukoliko lice zaduženo za prijem robe konstatuje određene nedostatke u kvalitetu ili kvantitetu isporučene robe, neće se sačinjavati zapisnik o prijemu, već će se sačiniti zapisnik o reklamaciji, koji Ugovorni organ dostavlja Dobavljaču.

Dobavljač se obavezuje priznati reklamaciju na kvantitet i kvalitet robe, koja će biti proučena zapisnikom o reklamaciji, uz obavezno navođenje nedostataka i datuma i broja računa (otpremnica) Dobavljača kako bi se zadovoljili uslovi reklamacijskog roka.

U slučaju osnovanih primjedbi na ispunjenje sporazumnih obaveza Dobavljača, konstatovanih u zapisniku o reklamaciji, Dobavljač je dužan da o svom trošku učini sve da te nedostatke otkloni u što kraćem roku, koji će se zapisnikom o reklamaciji utvrditi. Roba će se smatrati uredno isporučenom kada u zapisniku o prijemu bude konstatovano "isporuka i prijem izvršeni bez primjedbi".

Član 6.

Plaćanje se vrši u roku od 30 (trideset) dana od dana uredne isporuke robe i dostavljanja fakture, na tekući račun Dobavljača.

Član 7.

Ukoliko Ugovorni organ ocijeni da isporučena roba nije u skladu sa datom ponudom iz člana 1. ovog ugovora, Ugovorni organ može jednostrano, bez saglasnosti Dobavljača, raskinuti ovaj ugovor.

Član 8.

Na sva pitanja koja nisu regulisana ovim ugovorom, primjenjivat će se odredbe Zakona o obligacionim odnosima.

Član 9.

Ugovorne strane su saglasne da sva eventualno sporna pitanja rješavaju dogovorom, štiteći obostrane interese. U slučaju nemogućnosti zajedničkog rješenja eventualno nastalog spora, ugovorne strane priznaju nadležnost suda u Sarajevu.

Član 10.

Ugovor stupa na snagu danom potpisa ovlaštenih predstavnika ugovornih strana, primjenjuje se u 2024 godini i traje do uredne realizacije ugovorenih obaveza ugovornih strana.

Član 11.

Ovaj ugovor izrađen je u četiri (4) istovjetna primjerka, od kojih po dva (2) zadržava svaka ugovorna strana.

DOBAVLJAČ
BOSFOR STIL d.o.o. Zivinice

24
Direktor Cenan Yavuz

Broj: 27-7/24

Datum: 15.03.2024

